



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

Na osnovu čl. 25. i 74. Statuta Općine Centar Sarajevo – prečišćeni tekst („Službene novine Kantona Sarajevo“, broj: 23/04) i člana 4. Pravilnika o dodjeli sredstava istaknutim samostalnim umjetnicima, kao i penzionisanim kulturnim i sportskim radnicima, u cilju ublažavanja posljedica proglašenog stanja prirodne ili druge nesreće broj: 09/C-04-47/20 od 13.07.2020. godine, Općinski načelnik upućuje

JAVNI POZIV

za dodjelu sredstava istaknutim samostalnim umjetnicima, kao i penzionisanim kulturnim i sportskim radnicima, u cilju ublažavanja posljedica proglašenog stanja prirodne ili druge nesreće

1. PRAVO NA DODJELU SREDSTAVA MOGU OSTVARITI

a) istaknuti samostalni umjetnici, uz ispunjavanje sljedećih uslova:

- da na dan proglašenja stanja prirodne ili druge nesreće imaju prebivalište na području Općine Centar Sarajevo;
- da imaju status istaknutog samostalnog umjetnika u skladu sa Zakonom o istaknutim samostalnim umjetnicima Kantona Sarajevo;
- da ukupni mjesečni prihodi domaćinstva podnosioca zahtjeva ne prelaze 1.500,00 KM,

b) penzionisani kulturni radnici, uz ispunjavanje sljedećih uslova:

- da na dan proglašenja stanja prirodne ili druge nesreće imaju prebivalište na području Općine Centar Sarajevo;
- da je podnosilac zahtjeva penzioner;
- da je podnosilac zahtjeva najmanje 10 godina djelovao u oblasti kulture i/ili da je dobitnik domaćih ili međunarodnih nagrada ili priznanja u ovoj oblasti;
- da ukupni mjesečni prihodi domaćinstva podnosioca zahtjeva ne prelaze 1.500,00 KM,

c) penzionisani sportski radnici, uz ispunjavanje sljedećih uslova:

- da na dan proglašenja stanja prirodne ili druge nesreće imaju prebivalište na području Općine Centar Sarajevo;
- da je podnosilac zahtjeva penzioner;
- da je podnosilac zahtjeva najmanje 10 godina djelovao u oblasti sporta i/ili da je dobitnik domaćih ili međunarodnih nagrada ili priznanja u ovoj oblasti;
- da ukupni mjesečni prihodi domaćinstva podnosioca zahtjeva ne prelaze 1.500,00 KM.

2. NAČIN DODJELE NOVČANIH SREDSTAVA

Novčana sredstva iz ovog granta dodijelit će se istaknutim samostalnim umjetnicima, kao i penzionisanim kulturnim i sportskim radnicima, koji zbog stanja uzrokovano pandemijom virusa COVID-19 nisu bili u mogućnosti obavljati svoju osnovnu ili dodatnu djelatnost djelujući u oblasti kulture i sporta.

U slučaju većeg broja zahtjeva, u odnosu na raspoloživa sredstva, prioritet u ostvarivanju prava će imati podnosioci zahtjeva koji imaju:

- a) niži mjesečni prihod domaćinstva;
- b) veći broj međunarodnih nagrada/priznanja;
- c) duži period djelovanja u oblasti kulture/sporta.

Jednokratna novčana pomoć, po podnesenom zahtjevu, isplaćuje se u visini prosječne neto plaće ostvarene u FBiH u prethodna tri mjeseca prije proglašenja stanja prirodne ili druge nesreće u iznosu od 950,00 KM.

3. POTREBNA DOKUMENTACIJA

Podnosioci zahtjeva na Javni poziv obavezni su dostaviti slijedeće dokumente (original ili ovjerene kopije):

a) istaknuti samostalni umjetnici:

- uvjerenje o kretanju podnosioca zahtjeva;
- rješenje o utvrđivanju statusa istaknutog samostalnog umjetnika;
- kućna lista;
- dokaz o mjesečnim primanjima za sve punoljetne članove domaćinstva.

b) penzionisani kulturni radnici :

- uvjerenje o kretanju podnosioca zahtjeva;
- ček od penzije za mjesec april tekuće godine ili uvjerenje o visini isplaćene penzije u mjesecu aprilu tekuće godine;
- kratka biografija podnosioca zahtjeva;
- dokaz o dužini rada u oblasti kulture (potvrda ustanove, institucije, udruženja; izvod iz PIO/MIO) ili dokaz o osvojenim nagradama ili priznanjima u oblasti kulture;
- kućna lista;
- dokaz o mjesečnim primanjima za sve punoljetne članove domaćinstva.

c) penzionisani sportski radnici:

- uvjerenje o kretanju podnosioca zahtjeva;
- ček od penzije za mjesec april tekuće godine ili uvjerenje o visini isplaćene penzije u mjesecu aprilu tekuće godine;
- kratka biografija podnosioca zahtjeva;
- dokaz o dužini rada u oblasti sporta (potvrda ustanove, institucije, strukovnog sportskog saveza, izvod iz PIO/MIO) ili dokaz o osvojenim nagradama ili priznanjima u oblasti sporta;
- kućna lista;
- dokaz o mjesečnim primanjima za sve punoljetne članove domaćinstva.

Zahtjev sa dokumentacijom se podnosi Službi za boračko-invalidsku, socijalnu zaštitu i društvene djelatnosti – Odsjek za društvene djelatnosti putem pošte ili na protokol Općine Centar Sarajevo ulica Mis Irbina 1.

Za sve dodatne informacije zainteresovana lica mogu pozvati brojeve telefona: 033/562-473; 562-474 i 562-393.

Javni poziv će biti otvoren najkasnije do 31.07.2020.godine ili do utroška sredstava za ovu namjenu.